

弘

簡

錄

弘簡錄卷三十二

明刑部員外郎仁和弘齋邵經邦學

皇清翰林院侍講學士四世孫遠平校閱

侍從 唐四之二

路敬淳

柳冲

父楚賢

韋叔夏

子緝

武平一

姚璿

弟珽

張齊賢

徐彥伯

韋湊

從父知人知人子維繩維子

彭景直

盧粲

沈伯儀

崔沔

盧從恩

從父備

李朝隱

賈曾

父言忠

齊澣

路敬淳貝州臨清人父文逸貞觀末至中州司馬生二子俱早

知名長敬淳性勤學足不履門徧覽墳籍孝友篤敬居喪倚廬

不見妻子服除形容癯毀妻不之識登進士天授中歷司禮博

士太子司議郎兼修國史充崇賢館學士數受詔纂輯慶邸儀

典武后稱之尤明姓系自魏晉以降推本從來皆有序。著姓畧十卷。衣冠系錄等百餘篇。坐綦連耀交通下獄死。神龍初贈秘書少監。仲敬潛歷懷州錄事參軍。遂安衛縣二令。終中書舍人。初漢有鄧氏官譜。應劭有氏族一篇。王符潛夫論亦有姓氏一篇。宋何承天有姓苑二篇。魏太和時詔諸郡中正各列本土姓族次第爲舉選格。名曰方司格。晉太元中散騎常侍河東賈弼誤姓氏簿狀十八州百十六郡合七百一十二篇。甄析上庠無所遺漏。宋王弘劉湛好其書。弘每日對千客。可不犯一人諱。湛爲選曹。誤百家譜以助銓序。文傷寡省。王儉又廣之。王僧孺演益爲十八篇。東南諸族自爲一篇。不入百家。其學皆本賈氏弼。弼傳子匪之。孫希鏡。誤姓氏要狀十五篇。尤所諸究。希鏡傳子執更。作姓氏英賢一百篇。又著百家譜。廣兩王所記。執傳其

孫冠撰梁國親王太子序親簿四篇。唐興言。姓氏譜學者唯敬
淳名家。其後柳冲韋述李守素李公淹蕭頴士孔至各有撰次。
然皆本之路氏。

柳冲蒲州虞鄉人。曾祖莊。隋饒州刺史。父楚賢。大業中爲河北
縣長。義兵興。說堯君素曰。隋亡天下共知。唐公名在圖錄。動以
誠信。豪英景赴此天所贊。君子見幾。何俟終日。公何不轉禍爲
福。君素不從。乃潛行自歸。高祖悅之。授侍御史。貞觀中累光祿
少卿。持節冊拜突厥思摩可汗。悉辭餽遺。不受。歷交桂二州都
督。終杭州刺史。皆有能名。冲幼好學。多所研綜。天授初。爲司府
寺主簿。詔遣安撫淮南。稱旨。封河東縣男。景龍中。歷左散騎常
侍。修國史。轉太子賓客。爲宋王師。至昭文館學士。以老致仕。卒。
請修改太宗所撰氏族志。門胄興替。不常。詔與魏元忠張錫蕭

至忠岑義崔湜徐堅劉憲吳兢共取功德時望國籍之家等而
次之。龔蕃西長龔冠帶者析著別品。會多變故。先天中復詔與
魏知古陸象先劉子玄等討綴書。乃成號姓系錄。開元初又詔
與薛南金復加刊竄。後柳芳以所撰不通歷代之說。不可與言
譜。乃著論畧曰。自周與漢後。魏氏立九品。置中正。尊世胄。卑寒
士。權歸右姓。其州大中正主簿。郡中正功曹。皆取著姓士族爲
之。以定門胄。品藻人物。晉宋因之。始尚姓氏。于時有司選舉。必
稽譜籍。而考其真僞。故官有世胄。譜有世官。過江則爲僑姓。王
謝袁蕭爲大。東南則爲吳姓。朱張顧陸爲大。山東則爲郡姓。王
崔盧李鄭爲大。關中亦號郡姓。韋裴柳薛楊杜首之。代北則爲
鹵姓。元長孫宇文于陸源寶首之。鹵姓者。魏孝文帝遷洛。有八
氏十姓三十六族九十二姓。八氏十姓。出於帝宗屬。或諸國從。

魏者三十六族九十二姓。世爲部落大人。其河南洛陽士人。差第閭閻。凡三世有三公者。曰膏梁。有令僕者。曰華貴。尚書領護而上爲甲姓。九卿方伯爲乙姓。常侍大中爲丙姓。吏部正員外郎爲丁姓。凡得入者。謂之四姓。又詔代人諸貴得視四姓。其穆陸奚于。吏部選勿充。猥官。北齊因之。舉秀才州主簿郡功曹。非四姓不預。故江左定氏族。以郡上姓第一爲右。太和以郡四姓爲右。齊浮屠曇剛類例。凡甲門爲右姓。周建德氏族。以四海通望爲右姓。隋開皇氏族。以上品茂姓爲右。唐貞觀氏族志。凡第一等則爲右姓。路氏姓畧。以盛門爲右姓。今流俗獨以崔盧李鄭爲四姓。加太原王氏號五姓。蓋不經也。夫文之弊至于尚官。官之弊至于尚姓。姓之弊至于尚詐。隋世承之。不知其所以弊。乃反古道。罷鄉舉。離地著。尊執事之吏。於是士無鄉里。里無衣

冠人無廉恥。士族亂而庶人僭矣。故善言譜者繫之地望而不惑質之姓氏而無疑。綴之婚姻而有別。山東之人質。故尚婚姻。其信可與也。江左之人文。故尚人物。其智可與也。關中之人傑。故尚冠冕。其達可與也。代北之人武。故尚貴戚。其泰可與也。及其弊也。則尚婚姻者。先外族。後本宗。尚人物者。進庶孽。退嫡長。尚冠冕者。畧伉儷。慕榮華。尚貴戚者。徇勢利。亡禮教。四者俱做。則失其所尚矣。管仲曰。爲國之道。利出一孔者王。二孔者強。三孔者弱。四孔者亡。故冠婚者。人道大倫。周漢之官人。齊其政。一其門。使下知禁。此出一孔也。故王。魏晉官人。尊中正。立九品。鄉有異政。家有競心。此出二孔也。故強。江左代北。諸姓紛亂。不一其要。無歸。此出三孔。故弱。隋氏以吏道治天下。人之行不本鄉黨。政煩于上。人亂於下。此出四孔也。故亡。唐承隋亂。宜救之以

忠。忠。厚。則。鄉。黨。之。行。修。鄉。黨。之。行。修。則。人。物。之。道。長。人。物。之。道。長。則。冠。冕。之。緒。崇。冠。冕。之。緒。崇。則。教。化。之。風。美。乃。可。與。古。參。矣。
冊。曰。有。唐。設。官。並。尊。世。閥。四。姓。華。腴。諸。賢。述。作。新。書。列。傳。
不。存。反。削。膏。梁。蕪。穢。貴。賤。濫。落。猶。藉。舊。唐。僅。全。大。畧。

韋。叔。夏。宰。相。安。石。兄。通。禮。家。學。擢。明。經。歷。太。常。博。士。高。宗。崩。撰。
定。卹。禮。擢。春。官。員。外。郎。武。后。幸。洛。寧。明。堂。凡。所。沿。革。多。所。裁。定。
累。遷。成。均。司。業。修。革。五。禮。儀。物。成。進。春。官。侍。郎。中。宗。轉。太。常。少。
卿。爲。建。立。廟。社。使。進。銀。清。光。祿。大。夫。累。封。沛。郡。公。終。國。子。祭。酒。
贈。兗。州。都。督。修。文。館。學。士。諡。曰。文。子。緡。歷。集。賢。修。撰。光。祿。太。
常。二。卿。終。太。子。少。師。唐。興。禮。文。制。度。繆。缺。不。倫。顯。慶。中。許。敬。宗。
建。言。籩。豆。以。多。爲。貴。請。大。祀。十。二。中。祀。十。小。祀。八。簠。簋。饌。俎。皆。
一。惟。小。祀。無。饌。爵。止。客。一。合。開。元。二。十。三。年。又。以。籩。豆。之。薦。未。

能備物詔禮官學士共議緝請宗廟籩豆皆加十二其郊奠爵
容小則陋宜增大之帝復詔太常朕承祖宗休德享祀實貴豐
潔有如不應於法亦不敢用令擇品味可增者稍加焉每室加
籩豆各六四時以新果珍饗實之爵視樂升所容以合古又詔
禮官學士議服紀所未通者緝上言禮喪服舅總麻三月外祖
父母并從母小功五月而堂姨舅母所不及焉外祖正尊服同
從母堂姨舅母親未爲疏不相爲服古意真有未暢請進外祖
大功舅小功堂姨舅母袒免韋述又議外親異姓甥舅昆弟正
服不過總外祖父母以尊加從母以名加故皆小功然以匹言
外祖則祖舅則伯叔也父母之恩不殊而獨殺於外者蓋禽獸
知母而不知父人則父母等母黨之於本族不同明甚若外祖
及舅加一等而堂舅及姨著服則中外其別幾何且五服有上

陛下之命帝雖美其忠而不能用於後宴兩儀殿酒酣蕃人襪子
何懿等唱合生歌言涉淺穢帝命后兄光祿少卿韋嬰監酒嬰
滑稽敏給能抗數人復恃勢倨肆欲奪司農少卿宋廷瑜賜魚
平一諫曰樂天之和禮地之序禮配地樂應天故音動於心聲
形于物因心哀樂感物應變樂正則風化正樂邪則政教邪先
王所以達廢興也伏見蕃樂本備四裔之數比來日益流宕異
曲新聲哀思淫溺始自王公稍及閭巷妖妓蕃雛街童市子或
言妃主情貌或列王公名質詠歌蹈舞號曰合生昔齊衰有行
作倡曲陳馮有後庭花辭趙數驚薛亡國之徵夫禮慊而不進
即銷樂流而不反則放臣頽屏流僻崇肅雅况兩儀承慶殿皆
陛下受朝聽訟之所不容以倡優媒狎虧汙邦典不納學士等
恒欲難之會大集與崔日用各質所疑魯三桓鄭七穆桓公莊

王時諸侯屬齊楚凡幾平公靈王時諸侯屬晉楚凡幾晉六卿
齊楚執政幾何人。日用謝不知平一條舉始末無留語自是請
北面以事玄宗立以前諫語故不罪貶蘇州參軍徙金壇令雖
被謫名猶不衰俄卒

姚壽字令璋思廉孫少孤以友愛撫弟妹及長博涉經史有才
辯永徽中明經擢第補太子宮門郎撰瑤山玉彩書成遷秘書
郎調露中至中書舍人封吳興縣男天后臨朝遷夏官侍郎坐
從弟敬節同徐敬業亂貶桂州長史后方以符瑞自神壽至嶺
南列上諸山川草樹名號有武字者皆以爲上應國姓后乃大
悅召拜天官侍郎善於選補時人稱之長壽二年遷文昌左丞
同鳳閣鸞臺平章事表請帝王謨訓不可暫無紀述今左右史
雖得對仗承旨謀議皆不預聞若不宜自宰相史官無從得書

請伏下所言軍國政要責宰相一人專知撰錄號爲時政記每

月封送史館

時政記

延載初進納言后諭此乃朕意但當盡

忠無聽浮說證聖初加秋官尚書前後貢諛於后左拾遺劉承

慶奏明堂災宜輟朝思過時奏此人火非天災昔宣榑火周世

延建章焚漢業昌獲彌勒成佛七寶臺須臾散壞故知聖人之

道隨緣示化方便之利博濟良多況今明堂乃是布政之所非

宗廟之地不宜避正殿貶常禮后乃依奏更御端門賜民大酺

燕羣臣與相娛樂仍令監造天樞爲董作使見金不足更斂天

下農器以功賜爵一等請回贈其父豫州司戶參軍處平爲博

州刺史將封嵩岳命總知儀注充封禪副使更造明堂又使督

作加銀青光祿大夫時大石國請獻獅子疏諫此獸至猛惟好

食肉遠從碎葉以至神都極爲勞費矧陛下務慈悲爲心鷹

犬不蓄符獵總停飛走蠢動共感仁恩豈因一獸殺害不貲疏
奏遽停來使又九鼎初成制令塗以黃金千兩又諫鼎者神罷
貴在質朴自然無假別爲浮飾臣觀其狀先有五彩輝煥錯雜
其間豈待金色方爲炫耀后又從之神功初昇丹犯塞命佐梁
王武三思爲榆闕道安撫副使師還坐累左授益州長史民俗
殷雜久缺良守弊於侵漁政以賄成人無厝足至則撻發官吏
貪暴茲無所容璽書嘉勞諭以嚴霜之下識貞松之擅奇吹風
之前知勁草之爲貴又嘗語侍臣凡爲官長能清自身者甚易
得察吏清者甚難至於姚璿可謂兼之適新都丞朱待辟坐贓
應死逮捕繫獄所善沙門理中陰結諸不逞以殺璿爲名擬據
巴蜀爲亂人有密告者制令就按璿深持之誅疑似者以千數
后遣洛州長史宋元爽御史中丞崔獻可等重加詳覆無所發

明違繫數百人遞相附會又坐籍沒五十餘家其餘流配十八
九道路寃之御史袁恕已劾奏其事尋令罷推俄歷地與冬官
二尚書西京畱守長安中進爵爲伯聽致仕卒年七十四贈越
州都督謚曰成弟珽少篤學勤苦自立擢明經歷定汴滄號
幽泰六州刺史政皆有績數被褒賜累封宣城郡公遷太子詹
事兼左庶子嘗四上書諫節愍太子其一引賈誼稱選天下端
士使與太子居處出入而今反置作坊諸工伎得出入宮閤之
內禁衛之所小人無知因爲詐僞有玷盛德臣望悉出宮內造
作付所司其二引魏經侯帶玉具劍環佩以過魏太子太子不
視經侯曰魏國亦有寶乎太子曰主信臣忠魏之寶也經侯委
劍佩去杜門不出夫賢聖以簡素爲貴皇王以菲薄爲德惟殷
下留心恭儉損奢玩好以訓天下其三前世東宮門閤往來皆

有簿籍今殿下時有所須唯門司宣令茲爲乘之因緣增損近
呂升之乃代署宣敕賴殿下糾發其姦以後歷令及覆事並請
內印盡署冀免詐繆其四曰聖人不專其德賢智必有所師今
司經無學士供奉無侍讀夫經所以立行修身史所以諳識成
敗斯寇務也伏望留意經書簡畧細事太子稱善不能用及敗
索得諫書中宗嘉歎擢右散騎常侍歲餘遷秘書監睿宗立拜
戶部尚書卒年七十四有所撰漢書紹訓四十卷發明曾祖察
所註訓纂今後之法漢書者不得竊取爲已說焉

張齊賢陝人聖曆初爲太常奉禮郎轉博士累遷諫議大夫武
后詔京官九品以上四方朝集使議告朔于明堂讀時令布政
事時博士辟閭仁誥謂經無明文唯玉藻天子聽朔南門之外
周太宰正月之吉布政於邦國都鄙夫告朔者諸侯禮也魯自

文公始不視朔明非天子所行請罷告朔月祭以應古禮齊賢
奏禮不可罷舉穀梁氏稱閏月天子不告朔則他皆告也左氏
言魯不告閏朔爲棄時政則雖閏猶當告也周太史頒朔于邦
國王藻閏月王居門是天子雖閏亦告朔今議者乃引周太宰
而言天子元日一告朔殊失其旨一歲之元諸侯受於天子藏
之於廟天子受之于天宜在明堂故告時帝配祖考今日天子
月告祭頒朔則諸侯安得藏之故太宰歲首布一歲事不知乃
是周太史總頒十二朔於諸侯天子猶月告者是頒官府都鄙
六官又各布所職之典分內與外異言之也王方慶又言天子
以正月上辛總受十二月政於南郊還藏于祖廟月取一政班
之明堂諸侯則月取一政行之於國王者以其禮告廟謂之告
朔視月之政謂之視朔王藻玄冕而朝日東門之外聽朔南門

之外鄭玄說明堂在國陽就其時之堂而聽朔焉卒事宿路寢
今元日通天宮受朝有司讀時令布政古之禮也陛下幸建明
堂遵告朔事若月一聽則近于煩每孟月視朔惟制定其禮臣
下不敢專成均博士吳楊吾等又言如齊賢方慶議不數歲禮
亦廢久之東都建大社祝欽明問周家用所宜木今何用石齊
賢與韋叔夏郭山惲尹知章等議春秋君以軍行祓社魯鼓祝
奉以從社稷主用石以可奉而行也崔靈恩引呂氏春秋言殷
人社用石後魏天平中遷太社石主其來尚矣周之田主用所
宜木此民間之社非大社也又問何以長尺有六寸方尺七寸
齊賢等議其制無傳恐天子親征過重不可減以行禮社祭土
主陰氣韓詩外傳天子大社方五丈諸侯半之五土數社主宜
長五尺以準數五方二尺以準陰偶刻其上以象物生方其下

以象地體。諸度以古尺埋牛土中。均其本末。又問土隨四方用色而中不數尺。曰黃土謂何。齊賢等曰黃土象王者覆被四方。天子當全覆壇上。舊不數尺覆被之狹。乖於古。乃以方色飾壇四面。陛上今覆黃土。其後改先農壇曰帝社。又立帝稷。皆齊賢等參定。武后改東都廟爲唐廟。中宗議滿七室。以果武昭王爲始祖。齊賢議禮天子七廟。尊始封君曰太祖。未聞復立始祖。景皇帝始封唐子孫承之。比殷周高稷實爲太祖。以世數近。故尚在昭穆昭王國不世傳。後嗣失守。今乃引爲始祖。實異三代。且魏不祖曹參。晉不祖司馬卬。宋不祖楚元王。齊梁不祖蕭何。陳隋不祖胡公楊戩。今謂昭王爲祖可乎。漢嘗議欲郊堯。杜林以爲漢業特起。功不緣堯。卒不果。武德初去昭王尤近。尚不託祖。今而立之。非祖宗意。博士劉承慶尹知章又言王迹有淺深。代

系有遠邇今不宜以廟數未備引當遷之主於昭穆上以苟充七室既景皇帝世淺猶在六室則室未當有七非天子廟不當七也大帝神主既祔宜皇帝非始祖親盡而遷不可復立請仍爲六室詔宰相詳裁視欽明等與博士三百人本齊賢承慶兩議皆通詔曰可俄尊孝敬皇帝爲義宗列於廟爲七室西京太廟亦如之

徐彥伯名洪以字行兗州瑕丘人七歲能文結廬太行山下河北安撫薛元超表其賢對策高第調永壽尉蒲州司兵參軍時彥伯擅文名司戶韋處善辦事司士李亘工書札稱河東三絕遷職方員外郎奉迎中宗房州進給事中預修三教珠英遷宗正卿帝復位改太常少卿兼修國史武后實錄成封高平縣子歷齊衛二州刺史政有善狀璽書嘉勞移蒲州上南郊賦辭致

典綬擢修文館學士景雲初遷右散騎常侍加銀青階歷工部
侍郎太子賓客以疾乞骸卒生平事寡嫂謹撫孤姪同己子秉
筆累朝後生翕然倣慕晚爲文強澁仍自爲體時謂莫及有文
集二十卷常著樞機論以諷王公卿士爲酷吏所引謂言者德
之柄行之主志之端身之文也臣機一動物應得失隨之可以
濟身亦以覆身否泰榮辱一能繫之古者悟宮問答荆齊所以
奔命韓魏加肘智伯所以危殘鄭曼圖速受鼎鑊之誅蔡侯繩
亟招甲兵之罰史遷輕譏終下蠶室張紘詭說更齒龍淵凡此
過言其流匪一雖復伯玉沮顏追謝於元凱蔣濟貽恨失譽於
王陵犀首沒齒於季章曹瞞辭舌於劉主當何及哉誠能審思
而應精慮而動懋探世猷克念丕訓謀其心而後交擇其交而
後談不惑趨於非黨不屏營於詭遇自然介爾景福悔吝何由

而生怨惡何由而至如此乃可以言也當時盛傳以爲鑒戒
韋湊字彥宗京兆望族曾祖瓚隋尚書右丞祖叔諧并兄季武
弟叔謙貞觀中號三列宿時居主爵庫與吏部皆爲郎中父玄
桂州長史湊永淳初解褐婺州參軍徙資州司兵觀察使房昶
表其才遷揚州法曹繩州豪孟神爽遠近稱伏入爲相王府長
史姚崇恨得之晚景龍中遷將作少匠內供奉改司農少卿以
忤宗楚客出爲貝州刺史睿宗召入連授鴻臚太府二少卿兼
通事舍人上言節愍太子稱兵宮內跨馬御前悖禮已甚以爲
殺三思父子以安君父則有可褒以爲論兵討逆因欲自立則
有可罪況此時韋氏惡逆未明大義未絕於太子母也母雖不
母子安可不子晉太子謚曰恭漢太子謚曰戾今太子乃謚節
愍臣所未論多祚等以臣犯君非曰無罪祗可云免不可云雪

帝罹然業已成事祗罷多祚等贈官景雲初又諫造作金仙玉真二觀時宰崔湜岑義皆言此論大是難事湜曰食君厚祿死且不顧遑惜其他出更陝汝岐三州刺史開元初遷將作大匠又諫加孝敬皇帝廟號義宗據禮祖有功宗有德其廟百世不毀孝敬未嘗南面別廟無稱宗之義遂罷爲人識鑒深遠前後數上書論時政多見採納尋遷河南尹封彭城郡公坐屬吏侵漁左授曹州刺史十年拜太原尹兼節度支度營山大使卒年六十五贈闕州都督謚曰文 叔謙子知人字行哲弱而好古以國子舉授校書郎高宗時自荆府兵曹遷司庫員外郎兼判司戎大夫事卒二子 維字文紀自少博涉文史對策高第調武功簿督役軋陵會歲饑均力勸功人不知勞坐徐敬業親左除五泉簿徙內江令教民耕桑縣爲刻頌遷戶部郎中與員外

宋之間皆善詩時稱二妙終太子右庶子 繩長文辭撫養宗

屬孤幼無異情舉孝廉以母老不肯仕踰二十年乃就長安尉

威行京師擢監察御史更泗涇鄆三州刺史天寶初入爲秘書

少監終陳王傳 維子虛心字無逸舉孝廉遷大理丞侍御史

神龍中按大獄僕射竇懷貞侍中劉幽求意欲寬假虛心執法

有不可奪之志景龍中禽捕西域叛羌有詔悉誅覆奏但誅酋

長原活其餘遷御史中丞歷荆潞揚三督府長史兼採訪使所

至官吏振肅威令甚舉荊州有鄉豪負勢干法籍入其貲廬江

多盜立舒城縣盜賊爲衰入更左右丞兵部侍郎工部尚書東

京留守封南皮縣子卒年六十七贈揚州大都督諡曰正生平

有孝行父喪哀毀過禮鬚髮皆白鄉黨嗟異 弟虛舟亦舉孝

廉爲御史累遷戶部員外司勳左司郎中歷荊州長史洪魏二

州刺史兼採訪使多著能政入爲刑部侍郎終大理卿家有禮則縉紳稱之

彭景直瀛州河間人景龍末爲太常博士歷禮部郎中上言獻昭乾三陵皆日祭在禮所無王者立七廟一壇一墀曰考廟王考廟皇考廟顯考廟皆月祭遠廟爲祧去祧爲壇去壇爲墀有禘祭之無禘乃止譙周曰天子始祖高曾祖考之廟皆朔加薦以象生時號日祭二祧廟則無今諸陵朔望進食近古之殷事諸節進食近古之薦新若祭則皆在廟尋經執禮無日祭於陵之文漢時京師自高祖下至宣帝與太上皇悼皇考陵旁立廟園各有寢便殿故日祭諸寢月祭諸便殿貢禹以禮節煩數白元帝願罷郡國廟韋玄成等後因議七廟外寢園皆無復修劉歆引春秋外傳曰祖禘日祭曾高月祀二祧時享壇墀歲貢親

晉以降不祭墓唐積古作法臣謂宜罷諸陵日祭如禮便帝不從因下詔夫禮以人情爲之公輩何專古而泥所聞軋陵宜朝脯進奠昭獻陵日一進或所司乏于費可減朕常膳爲之又議以和思皇后祔葬中宗定陵先爲武后所殺不得其喪所將招覓合諸梓宮景直以古無傳不可請如橋山藏衣冠故事告以太牢納后禕衣方中奉帝梓宮右覆以夷衾制曰可

盧綦幽州范陽人後魏侍中陽烏五世孫祖彥卿合肥令撰後魏記二十卷從父行嘉高宗時爲雍王記室亦以學聞綦博覽經史始冠登第遷累給事中韋后疾節愍太子非已出勸中宗每年取衛府封物以給東宮服用綦奏太子繼離主鬯歲時服用宜取於百司如周禮諸用財器歲終則會唯王及太子不會今乃與諸王等決非所謂憲古法今者詔可之又安樂公主媚

武崇訓死少卿趙履溫諷公主奏請墓視陵制駁以凡王公主墓無稱陵者唯永泰公主事出特制非後人敢援比崇訓羣兆請視諸王詔答安樂本與永泰不殊崇訓當與公主同窆陵制不煩固執又舉雍王故事以今崇訓雖封魯王論親尚不相及雍王墓猶不稱陵緣主如何可得帝以其言有據竟依之主大怒出祭陳州刺史開元初入爲秘書少監累封國安縣侯終邠王傳謚曰景

沈伯儀吳興人武后時爲太子右諭德歷國子祭酒修文館學士時詔大享參用貞觀顯慶二禮成均助教孔玄義奏祭法祖文王宗武王祖始也宗尊也一名而有二義請以太高二宗配上帝圓丘神堯配感帝南郊經稱宗祀文王夫文王當祖而云宗包武王以言乃知明堂以祖考配與二經合伯儀奏祭義吳

天圓丘曰禘上帝南郊曰郊五帝五神明堂曰祖宗此爲最詳
虞夏退顓頊郊嘗殷合禘郊矣去取違舛惟周得禮之序至明
堂始兩配焉文王上配五帝武王下配五神別父子也貞觀永
徽禮實專配由顯慶後始兼尊焉今請以高祖配圓丘方澤太
宗配南北郊高宗配五天帝而元萬頃范履冰等議則又曰禮
吳天上帝等五祀咸奉高祖太宗兼配以申孝也詩昊天章二
后受之易殷薦上帝以配祖考有兼配之義高祖太宗旣先配
五祀當如舊請奉高宗歷配自是郊丘皆以三帝並配

崔沔字善冲由博陵徙長安高祖士約後周隴州刺史父珪懷
州刺史沔自幼純謹口無二言事親篤孝工文詞擢進士賢良
二科覆賜皆第一侍郎岑義嘆爲今之郤詵初授陸渾簿累遷
左補闕祠部員外郎性舒遲訥於造次當官正色言不可訕者

宗拜中書舍人以母病固請侍養又表陸渾尉郎隣太樂丞封
希顏處士李喜以代轉虞部郎中久之進御史中丞請發太倉
粟及減苑囿所給以賑貧乏人賴其利將劾御史宋宣遠與盧
懷慎姻家恃以弄法姚崇子彝留司東都招通賄賂二人憚之
會方執政欲奪其權共薦汚有史才轉著作郎太子左庶子母
喪哀毀逾禮賓客來弔常於廬前受之以母平日非至親未嘗
升堂入謁故不以存亡變其禮服閣中書令張說數薦之遷中
書侍郎喜論得失每有詔敕及曹事多所異同未幾出爲魏州
刺史奏課第一召還分掌吏部十銓以清直稱歷左散騎常侍
集賢修撰秘書監太子賓客預韋縉議以爲古者未有火化故
先薦毛血未有麴蘖故莫有玄酒後王作爲酒醴犧牲以致馨
香故有三牲八簋五齊九獻雖曰備物而節制存焉晉盧諶家

祭所薦皆晉時常食不純用古此變文而通其情國家清廟時
享設周制具禮饌古物存焉罔寢上時膳備列泮法他珍極焉
職貢來祭致遠物也有新必薦順時令也死罔躬稼并蒐狩親
獲莫不薦而後食盡誠敬也若此已至無以加矣不必加籩豆
以爲嫌亦未有薦時饌而用古器者故加籩豆未足盡天下美
物而措諸廟庭徒近侈耳爵小自有司之陋隨失制宜不待議
而革又曰夫禮本於家不可以貳故父以尊崇母以厭降是以
內服斬外服總尊名所加不過一等今古不易之道此制唐禮
推廣思故弘道以來國命再移於外姓本禮驗亡可不戒哉
朝廷以鴻善於禮經遇有疑議皆咨逮取衷卒年六十七贈禮
部尚書謚曰孝生平儉約自持祿稟隨散宗族不治居宅嘗作
陋室銘以見志于祐甫

盧從愿字子冀世爲山東著姓六世祖昶後魏度支尚書自范陽徙相州爲臨漳人父敬一吉陽丞從父輔歷右補闕終秘書少監中宗時默啜入寇敗沙吒忠義詔百官陳破賊策輔上疏治內可以及外賞罰明則士盡節紀功信則行可勸鳴沙之役主帥先遁乃騎將下材不可以當大任宜川古法募人徙避免行役明教令賞鹵獲購募勇結諸蕃以圖攻取擇邈州刺史蒐乘積粟謹烽燧以備守戰時無施行者僕自聞喜尉爲翰林學士終吏部員外郎從愿擢明經爲夏縣尉又舉制科高第拜右拾遺遷監察御史充山南黜陟巡撫使還奏稱旨擢殿中侍御史進中書舍人睿宗立拜吏部侍郎遷司白先朝頗失綱紀賴以精心條理凡僞牒詭功擅檢無所遺銓總六年號稱平允與裴行儉馬載齊名官其子太子通事舍人贈父鄭州長史玄宗

立凡新授縣令策試於廷有在下等者坐擬不實左遷豫州刺史爲政嚴簡奏課天下第一璽書勞問賜絹百匹無幾召爲工部侍郎遷尚書左丞刪定開元後格遷中書侍郎十三年檢校工部尚書留守東都從封泰山加金紫光祿大夫轉刑部尚書數考校外官升退詳確以抑宇文融括田不署上考融恨之密奏從愿廣占良田至數百頃帝由是薄之目爲多田翁有薦爲相者輒止十八年復爲留守坐子起居郎翰羅取利貶絳州刺史遷太子賓客二十年河北餓詔爲宣撫處置使發倉廩賑饑民選乞骸授吏部尚書致仕給全祿卒年七十餘贈益州大都督謚曰文

李朝隱字光國三原人中明法科調臨汾尉至大理丞駁論五王罪須經鞠正忤旨中宗命貶嶺南惡地宰相韋巨源李嶠言

素清正恐駭天下更以爲聞喜令尋遷侍御史吏部員外郎執
罷斜封官千四百員。怨誹譴騰岸然無所避。加遷長安令。宦官
閹典貴有所干請。曳出之。睿宗嘉歎。褒諭其能。進大中大夫。賜
中上考。并絹百匹。以旌剛烈。成安公主奪民園不酬直。杖其奴。
權豪聞之皆斂伏。俄執政。擠之出。爲通州都督。徙絳州刺史。開
元初爲吏部侍郎。與盧從愿同稱明允。官一子職同。亦坐策縣
令下第降滑州刺史。徙同州。駕幸東都。召見慰勞。賜以衣帛。擢
河南尹。政尚清嚴。姦人不容息。常榜太子舅趙常奴。怙勢橫閭
里。御史憲廼入爲大理卿。爭武彊令裴景仙內乞贖。不當死。且
其先祖寂開國有功。後遭酷吏破家。誅戮畧盡。惟景仙獨存。縱
應死。猶當宥之。以全廟祀。有詔決杖流于嶺南。轉朝隱岐州刺
史。時年已衰。母喪篤孝。毀瘠人以爲難起。爲揚州大都督府長

史再辭方就代還爲大理寺卿封金城縣伯素負天下公望推授御史大夫及居職頗不爭引大體輒先細務聲名頓減進太常卿出爲嶺南採訪處置使兼判廣州卒於官贈吏部尚書謚曰貞

賈曾洛陽人父言忠以孝母聞補萬年簿護役蓬萊宮督作苛惡高宗廷詰辯列詳明擢監察御史督遼東軍餉還奏山川道里并破賊狀帝問諸將優劣悉舉李勣小心憂國龐同善持軍嚴整薛仁貴慄勇冠軍高祖忠果而謀契苾何力沈毅持重有統御才然頗負忌前之癖帝然之累轉吏部員外郎性高尚氣與尚書李敬玄不相下貶郢州司馬復失武懿宗意左除建州司戶參軍卒曾少有名景雲中累遷吏部員外郎遷爲玄宗太子舍人太子遣使采女樂就率更寺肄習曾諫以爲殿下超代

神武宇內瞻望今渴賢之美未著好妓之弊先卧非所以追啓
誦之徽烈嗣堯舜之英風也太子手令嘉谷俄擢中書舍人與
蘇晉同掌制誥薛稷允相時號蘇賈轉諫議大夫睿宗南郊請
合祀天地并設從祀等坐與宰相禮官議皆合開元初坐事貶
洋州刺史歷虔鄭等州入拜光祿少卿遷禮部侍郎卒 子至
字幼鄰擢明經調單父尉從幸蜀拜起居舍人知制誥撰傳位
冊進玄宗覽之曰昔先天誥命乃父爲之今茲冊命又爾爲之
兩朝盛典出卿家父子可謂繼美矣陞中書舍人掌諫肅宗聖
人誅惡必先示法令崇禮義按法殺人者死議不可易今王去
榮以一朔方偏裨提數十士不能整行列輒挾私怨擅殺富平
令杜徽陛下若以爲新得陝非去榮不可守臣聞太原有李光
弼上黨有程千里靈昌有許叔冀南陽有魯炅雍丘有賈贲睢

陽有張巡未嘗乏人若以一材能免死彼孤矢絕倫劍術無前者特以犯上將何止之疏上詔羣臣議太師韋見素郎中崔胤等皆以爲罪不可赦遂殺之俄遣慰安蒲州時河東潞賊刺史恐其保聚散傳城廬舍至悉罷之民得還業俄坐事貶岳州司馬竇應初復官遷尚書左丞會楊綰建議復古至言前代取士必先行實孔門四科義甚著明間者禮部進人有乖斯義明經者取帖字爲精通而不窮義旨豈能知不遷怒不貳過之與乎考文者以聲病爲是非而所誇浮豔豈能知移風俗化天下之事乎胡衣冠遷徙人多僞處請廣學校增博士員明詔十道大州保桑梓者鄉里舉焉在流寓者庠序推焉議者然之廣德二年轉禮部侍郎待制集賢院時因歲歉奏請舉人並兩都試其事始此大曆初轉兵部擢京兆尹封信都縣伯永泰七年遷右

散騎常侍卒年五十五贈禮部尚書諡曰文

齊澣字洗心定州義豐人自少開敏言動不凡年十四見李嶠

稱其有王佐才上書請抑諸武中宗自廬陵還武后召宴同明

殿諭曰朕母子如初卿預有力方不次待爾澣辭母老不忍遠

離受賞而罷聖曆初制舉登第調蒲州司法叅軍有父子連坐

論死議貸其父太守不聽固爭以免景雲初姚崇薦爲監察御

史彈劾違犯必先風教號爲善職睿宗將祠太廟裴談當攝太

尉先事在告澣奏談本事武三思匿敬暉以獲進今孝享攝事

敬恭明神而慢嫫不恭神昏形澤挾邪罔上妻復外淫男女不

得姓氏談乃下除汾州刺史開元初姚崇復相用爲給事中遷

中書舍人論駁書詔潤色王言皆引古誼以爲準的朝廷大政

必以咨之時號解事舍人數諷崇年老避位舉宋璟自代崇用

其謀及璟爲相問以比向日諸公如何汾曰不如又問何以知
答曰前時近郊戶三百以爲圉今不百戶是以知之馬懷素等
緒次四庫書表汾爲副改秘書少監尋出爲汴州刺史地當輻
輳人庶浩繁稱職者鮮惟汾以清教聞自淮至徐水險惡鑿渠
十八里入青水人便於漕吏民頌美會封太山車騎數萬王公
妃主四裔君長湊集供頓彌數十里爲列長棚帘幕聯亘上食
凡千舉身自進膳帝嘉其知禮爲畱三日賜帛二千匹張說釋
授尚書右丞李元紘杜超復表爲吏部侍郎當時目爲高選值
王毛仲有寵與掌兵葛福順結姻乘間密言小人寵極姦生不
豫圖之恐有後患帝嘉納之適大理丞麻察奸愾無行出爲興
州別駕汾往餞座間因道諫語帝聞大怒召入謂曰卿尚疑朕
不密而反告察豈不知其嘗游太平之門耶汾免冠謝乃貶爲

高州良德丞察再貶潯州皇化尉其黨齊牧郭磨皆流放久之
轉索盧丞柳州長史濠常潤三州刺史招還流民徙漕路山京
口埭治伊婁深以達揚千歲無覆舟誠運錢數十萬又立伊婁
埭官征其入復徙汴州悵悵失勢素操寢衰更倚力士助得爲
兩道採訪使興利以中帝意納劉戒女爲妾不吝其妻幕府賦
車連逮放歸田里天寶初召爲太子少詹事開司東都與嚴挺
之杖屨往來林甫畏其謀復用爲平陽太守以離異之在任更
以黃老清靜爲治卒年七十二肅宗贈禮部尚書孫抗字輔

弘簡錄卷三十二終

弘簡錄卷三十三

明刑部員外郎仁和邵經邦弘齋學

皇清翰林院侍講學士四世孫遠平校閱

侍從 唐四之三

王丘 嚴挺之子武席豫 徐安貞 韋抗梁井卿

陳貞節 施敬本 盧履冰 王仲丘 康子元

趙冬曦 尹思貞子陸堅 鄭欽說 于休烈孫敖

韋陟弟武韋元甫 蕭昕 嚴郢 李季卿

劉迺子伯舅孫寬夫暢璀子當歸崇敬子登令狐峘

王丘字仲山外戚同咬從子父同唯太子左庶子封密預縣男

丘年十一以文知名擢童子科及冠長於詞賦中制舉調偃師

縣簿俄授奉禮郎氣清神古志行修潔王方慶魏元忠更薦之

弘簡錄卷三十三 侍從唐四之三

擢監察御史開元初遷考功員外郎謝絕請託采錄精明務覈實材登進纔滿百先朝冒濫之徒自是絕息時謂數十年來無可比者席豫嚴挺之皆出其下遷紫微舍人知制誥轉吏部侍郎典選數年復號平允所擢用山陰尉孫逖桃林尉張鏡微湖州尉張晉明進士王泠然皆稱一時雋茂久之爲黃門侍郎會山東旱饑議以中朝臣爲刺史乃以丘守懷州在職清嚴人吏畏慕會東封獨不市恩餽餼外無他獻復入知吏部選事與齊澣同任尚書左丞父喪服除爲右散騎常侍仍知制誥素善蕭嵩將引與共政固辭盛推韓休行能休既相薦爲御史大夫以訥於言自奏帝前多不喜改太子賓客裴父壽尋以疾改禮部尚書致仕生平有古人節更履華劇所守清約未嘗通饋遺室宅童騎敝陋如初旣老藥餌始不給帝知之下制給全祿以旌

潔吏卒贈荊州大都督謚曰文

嚴挺之名浚以字行華陰人少好學資質軒秀登進士制策二
科調義興尉雅有吏幹刺史姚崇器異之執政引爲右拾遺玄
宗好音律每聽忘倦遇元夕大設燈火弛禁禦奉上帝縱觀嘗
御安福門觀百司酺宴挺之上疏陳五不可以爲酺者囚人所
利合酺爲懼不使靡費今暴衣冠羅伎樂雜鄭衛之音縱娼優
之玩不深戒慎使有司跋倚下人罷劇府縣苛賦閭閻嗟吁貧
毀生產擾方春之業欲同其樂而反遺之悲帝納而止開元中
歷考功員外郎中獎進人物允協時望材能懋舉濫冒赦半遷
給事中不改任與同考判試中書舍人宋遙好尚不同各有取
舍宰相李元紘出爲登州刺史爲治整肅吏不敢犯改太原少
尹密奏王毛仲恐有變帝不信俄又連刺濮汴二州既蒞大郡

益尚嚴威人乃重足脅息會毛仲收帝思前言名爲刑部侍郎
甚見親遇遷太府卿雅善張九齡擢爲左丞知吏部遷且欲引
以輔政令往謁李林甫以素陋其爲人不肯往及林甫引蕭昊
爲戶部侍郎素不知書誤讀蒸管伏臘爲伏獵挺之自九齡省
中乃有伏獵侍郎乎吳坐出林甫深恨之譏人發其嘲託蔚州
刺史王元琰事下除洛州刺史徙絳州天寶初帝將大用顧問
挺之安在林甫退召其弟損之許以美官與道舊故因言上顧
爾兄厚令早作一計見上乃使稱疾就醫京師既得其狀反奏
以老疾愿得閑官自養帝叱恨除太子詹事分司東都遂鬱鬱
成疾卒年七十自爲文誌墓爲人重交游生死不改易嫁故人
孤女數十爲時所重然溺志浮屠與僧惠義善卒爲之服自葬
塔左人以是譏之 子武字季鷹自幼豪雋不類凡兒方八歲

忿母裴氏不爲父所咎獨厚其妻英竊就英寢奮搥碎其首左
右驚白以爲戲殺爭曰安有大臣厚妻而薄妻者兄故殺之非
戲也父奇之曰真嚴挺之子及長敏於見聞讀書不究精義涉
獵而已以蔭調太原府參軍哥舒翰奏充節度判官遷殿中侍
御史從幸蜀擢諫議大夫至德初赴肅宗行在房琯以名臣子
薦爲給事中收長安拜京兆少尹兼御史中丞年始三十二值
思明阻兵不之官優游京師頗自矜大坐瑄事貶巴州刺史久
之改綿州遷東川節度使上皇合劔南爲一道轉成都尹劔南
節度使還拜京兆尹爲二聖山陵橋道使兼御史大夫厚結元
載遷黃門侍郎求輔政不遂復鎮劔南廣德二年破吐蕃七萬
衆于當狗城復收鹽川城加檢校吏部尚書封鄭國公在蜀累
年威震一方蕃不敢近然恃其饒富頗肆志逞欲川度無藝或

有一言之悅賞至百萬峻指亟歛間里爲空恣行苛猛常因小忿殺梓州刺史章彝瑄雖舊恩任部內刺史慢不爲禮最厚杜甫欲殺者數四李白爲賦蜀道難以危之卒年四十贈左僕射其母常恐禍及至是且哭且喜曰而今免爲官婢矣

席豫字建侯襄陽人後周昌州刺史固七世孫後徙河南長安中年十六舉學兼流略詞擅文場科以父喪罷復中手筆俊拔補襄邑尉奏事闕下值安樂公主請爲皇太女上書以梅福自比請立皇太子語切時忌人爲寒懼公主聞其名將表爲諫官豫耻汙遁去又舉賢良方正爲陽翟尉開元初遷監察御史出爲樂壽令母病改懷州司倉參軍復舉超拔羣類科母喪服除授大理丞遷考功員外郎進紬清明歷中書舍人知制誥皆有能名尋轉戶部侍郎充江南東道巡鎮使兼鄭州刺史韓休

輔政舉以自代拜吏部侍郎玄宗諭以前在考功職詳事允故
有是授典選六年簡拔寒遠多至臺閣當時號爲知人天寶六
載改尚書左丞進禮部尚書封襄陽縣子歷撫江東淮南河北
南方俗死不葬暴骨中野教以埋歛明列科防俗爲之改爲人
清直無欲當官不爲勢權所撼性謹畏雖與子弟屬吏書不作
草字卒年六十九贈江陵大都督諡曰文帝嘗登朝元閣賦詩
郡臣屬和稱其詩最工詔曰詩人冠冕弟晉亦以文名當時
徐安貞初名楚璧信安龍丘人善五言詩應制舉甲科調武陟
尉開元中與韓休許景先席豫孫述相次掌誥名相甲乙俄進
中書舍人集賢院學士上每屬文及作手詔多命視草甚承恩
顧累遷中書侍郎封東海縣子在中書久參助李林甫計議時
論薄之天寶初卒

華抗叔夏從弟弱冠舉明經累官吏部郎中景雲初爲永昌令
雖數繫要不事威刑而治前令無及者遷右御史臺中丞民爲
立碑開元三年自太子左庶子爲益州長史入遷黃門侍郎河
曲胡康待賓叛詔持節慰撫以不長武略稱疾而返俄授御史
大夫兼按察京畿弟拯方爲萬年令兄弟同領本部時以爲榮
坐薦御史匪人左授安州都督改蒲州刺史復任大理卿進刑
部尚書分掌吏部選歷職清儉不治產業卒之日至無以葬玄
宗特給棺車贈太子少傅諡曰貞所表奉天尉梁昇卿新豐尉
王倕華原尉王壽爲僚屬後皆顯著昇卿涉學工書於八分尤
工歷廣州都督書東封朝覲碑爲時絕筆倕遷河西節度使天
寶中功聞於邇他所辟舉王維王綰崔殷等皆一時選云
陳貞節潁川人開元初爲右拾遺遷太常博士上言祖廟以功

德猶親盡而毀今別廟無功如隱太子章懷懿德節愍並建陵廟分八署置官吏四時進饗有司守衛典列帝侑事皆非是若謂祀未可絕當如古者別子爲祖許所後子孫奉之詔有司博議駕部員外郎裴子餘以爲皆先帝冢嗣列聖念懿屬而爲之享惟春秋書晉世子將以晉界秦故不祀至魯定公元年爲伯禽子立煬官尚不爲限况天子爲親親以及旁蕃誰曰不然太常博士段同曰隱於上爲伯祖服總章懷伯父服其懿德節愍堂昆弟服大功親未盡廟不可廢且死者之錫黻黻猶生者之開茅土子孫一無所議乃可援禮停祠附其言者禮部尚書鄭惟忠等二十七人詔乃祗減吏卒之半他如舊及玄宗奉昭成皇后祔睿宗室又欲并升肅明皇后貞節奏言廟必有配一帝一后禮之正也昭成有太姒之德宜升配肅明非有子貴宜在

別廟請準周姜姬晉簡文鄭宣皇后納主別廟時享如儀從之
又與博士蘇獻上言請立中宗別廟改奉睿宗以繼高宗按賀
循說兄弟不相爲後故殷盤庚不序陽甲而上繼先君漢光武
不嗣孝成而上承元帝晉懷帝繼世祖不繼惠帝皆別立廟蓋
兄弟共世昭穆位同有天下者從禰而上事七廟若容兄弟則
上毀祖考不得全事七世矣詔可至五年太廟壞伊闕令孫平
子昌書引春秋說僖雖閔兄嘗爲之臣臣居君上是謂失禮故
太室壞且兄臣於弟猶不可躋弟嘗臣兄乃可躋乎陛下未祭
孝和先祭太上皇先臣後君今太廟毀與春秋正同不可不察
若必以爲木朽而壞昔晉太康中宣帝廟地陷梁折又三年太
廟殿陷及泉更營之梁又折此天所譴非必年久而腐也以謂
宜遷孝和還廟何必違禮下同魯晉哉帝異其言詔有司復議

博士馮宗質之曰殷人六廟自成湯至帝乙十二君若以爲世方上毀四室乃無祖禰何以易乾鑿度曰殷至帝乙其父子六世可見兄弟不爲世明矣古者山禰極祖雖迭毀迭遷而三昭穆未嘗缺若果兄弟相繼乃是二穆於禮不應又曰爲人後者爲之子膚宗未嘗爲後不父孝和祗是兄終弟及其不相入廟亦明借有兄弟代立承統告享不得稱嗣子嗣孫必稱伯考伯祖何統緒乎漢世祖列七廟而惠帝不與晉景帝亦文帝兄景絕世不列於廟今謂晉武帝越崇其父而廟毀及亡何漢山惠帝而享世長久乎孝和中興別建園寢百世不毀尚何議哉平子猥引僖公逆祀爲比殊不知孝和升新寢聖其方祔廟則未嘗一日居上也帝令宰相召平子與獻等詳論援經辨論殊不能屈蘇頌右獻等貶平子都城尉諸儒特以其孤挺見廷威爲

不平帝亦知其直久不決然卒不復中宗於廟明年又將大享明堂貞節惡武后所營非古復與宗質上言明堂必直丙巳以憲房心布政太微上帝之所武后始以乾元正寢占陽午地先帝所以聽政故毀殿作堂撤之日有聲如雷庶民謹譁以爲神靈不悅堂成災咎從之后不修德俄復營構殫用極侈詭禳厭變上帝神靈安肯臨享且密邇掖庭人神雜擾二京上都四方是則天子聽政乃居便坐無以尊示羣臣願以明堂復爲乾元殿正至天子御以朝會若大享復寓圓丘詔所司詳議尚書王志愔等是之請因舊制詔曰可

施敬本潤州丹陽人開元中爲四門助教轉太常博士集賢院修撰遷右補闕秘書郎玄宗將封禪詔有司講求典儀舊制盥手洗爵皆侍中主之接天神太祝主之敬本上言周制太宗伯

鬱人下士二掌祿事漢無鬱人用近臣漢世侍中微甚籍孺閹
孺等幸臣爲之後漢郤閹自侍中遷步兵校尉秩千石亦褻臣
也今侍中位宰相非鬱人比祝者薦誠意於神明非賤職也古
二君相見卿爲上飭况天人之際哉周太祝下大夫二今郎中
太常丞之比上士四今員外郎博士之比漢太祝令秩亦六百
石今太祝乃下士以下士接天神以大臣奉盥洗輕重不倫又
舊制謁者引太尉升壇漢尚書御史屬有謁者僕射一秩六百
石銅印青綬謁者三十五以郎中滿歲稱給事中未滿歲稱謁
者光祿勳屬有謁者掌賓贊員七十秩比六百石則古謁者名
秩差異今謁者班微升壇禮重循空名忘實事非所以事天也
帝乃詔張說熟議以他官攝領焉

盧履冰兩州范陽人元魏都官尚書義僖五世孫開元五年歷

右補闕建言古禮父在爲母立几筵一期徹靈心喪三期武后始請同父三年請正其非玄宗疑之又以舅嫂叔服未安并下百官議刑部郎中田再思以父在爲母三年高宗實行之著令已久嫂叔舅姑服太宗實制之閱百年無異論不可改履水又奏上元中后雖請未用逮垂拱始行之至有祖父母在其子孫婦沒行服再朞不可謂宜夫聖人豈蔑情於所生固將有意於天下昔武后陰圖篡位豫自憑陵繼後韋氏復出酖殺天子幾亡宗社故臣將以正夫婦之綱非特母子間也議者或言非詩罔極且又與伯叔母姑姊妹等此鄙儒未習先王之旨夫君子有終身之憂罔極者春秋祭祀以時思之何限一朞再朞而已哉彼伯叔姑姊烏有筵几之制三年心喪乎元行冲又以古緣情制服女天父妻天夫斬衰三年情禮俱盡因心立極也妻喪

杖非情禮俱殺者遠嫌疑尊乾道也爲嫡子三年斬衰而不去
官至母喪獨免官情已畢申自堯舜周公孔子所同而今舍尊
厭之重虧嚴父之義謂之禮可乎姨兼從母之名以母之女黨
加於舅服不爲無禮嫂叔不服則遠嫌也請據古爲適弗報七
年下詔服紀一用古制自是人間父在爲母服或朞而禫而
釋心喪三年或齊衰三年

王仲丘沂州琅邪人祖師順高宗時任議曹論事有名終司門
郎中仲丘開元中歷左補闕內供奉集賢修撰起居舍人遷禮
部員外郎卒贈秘書少監時典章差駁欲合貞觀顯慶二禮上
言貞觀禮正月上辛祀感帝于南郊顯慶禮祀昊天上帝於圓
丘以祈穀臣謂詩春夏祈穀于上帝則上帝當昊天矣鄭玄曰
天之五帝遙王王者必感一以典故夏正月祭所生於郊以其

祖配之。因以祈穀。請因祈穀之壇。徧祭五方帝。五方帝者。五行之精。九穀之宗也。禮。雩祀五方上帝。五人帝于南郊。季秋祀五方帝。五官於明堂。鄭玄稱。周官旅上帝祀五帝。各文而異。禮。今顯慶享上帝。合於經。然貞觀嘗祀五方帝矣。請二禮皆用。詔。所康子元。越州會稽人。與平陽敬會。其長樂馮朝隱皆善易。與老子每啓篇。先薰盥。後讀。開元初。詔張說舉能治易老莊者。因侯行果薦。並賜衣幣。得侍讀。子元歷獻陵令。擢累秘書少監。會其朝隱四門博士。三人推索秘義。俄皆兼集賢侍講學士。將東封。說引與商裁儀注。子元奏。高宗時。許敬宗議。周人尚臭。故前祭而燔柴。臣按。周官樂六變。天神降。是降神以樂。非緣燔也。宋齊以來。皆先嘽福酒。乃燎。今請如貞觀禮。先祭。後燔。行果與趙冬曦議。以爲先燎降神尚矣。若祭已而燔。神無由降。子元挺議不

從說請決于帝乃詔後燔子元後遷宗正少卿以疾授秘書監
致仕卒贈汴州刺史帝常制贊賜說子元命工圖其象詔冬曦
韋述母喪分爲傳行果上谷人歷國子司業集賢直學士終皇
太子侍讀贈慶王傅朝隱終太子右諭德會真至太學博士
趙冬曦定州鼓城人兄弟六人並登進士冬曦歷左拾遺神龍
初上書以爲律明則人信法一則主尊古律條目千餘隋時姦
臣侮玩著令無正條出罪舉重以明輕入罪舉輕以明重一辭
而廢條目數百自是輕重訟愛憎被屈者不知其數夫法易知
則下不敢犯而遠機穽文義深則吏乘便而朋附盛請刊定格
式科條直書其事使有犯者雖貴必坐無犯者雖愚必知其以
準加減比附量情不應爲之類皆勿用當時稱之開元初遷監
察御史坐事流岳州召還知史事遷考功員外郎與賀知章孫

李良咸廩業俱入集賢院爲修撰王嗣琳范仙厓爲校勘呂向
東方顯爲校理踰年皆爲直學士冬職俄遷中書舍人終國子
祭酒爲人放達不屑世事兄夏日弟和璧安貞給事中居貞吳
郡採訪使願貞安西都護嗣琳初任將仕郎轉太子校書郎罷
顯翰林供奉上書忤旨左遷高安丞廩業大理評事亦坐事左
遷餘杭令仙厓善講論由四門博士至集賢學士

尹思貞字季弱秦州天水人少明春秋受學於國子博士王道
珪稱之曰自吾門人多若尹子閭測也高第後親喪哀毀服除
不仕張說尹元凱薦爲國子大成每釋奠講辨三教聽者皆得
所未聞終四門助教年始四十子愔博學尤通老子書初爲
道士薦拜諫議大夫集賢院學士兼修國史在職頗領集賢史
館圖書卒贈左散騎常侍又洛陽人陸堅初名友悌以善書

釋褐汝州參軍遷通事舍人轉給事中兼集賢學士玄宗嘉其剛正賜今名從封泰山封建安縣男轉秘書監帝待之甚厚圖形禁中親制贊以賜卒年七十一贈吏部尚書謚曰懿

鄭欽說後魏濮陽太守敬叔八世孫開元初由新津丞試五經擢第授華縣尉集賢校理歷右補闕內供奉善博物兼通曆術嘗因出使遇梁太常任昉五世孫升之隱居商洛言昉於大同四年七月發鍾山墳中得銘曰龜言土著言水旬服黃鍾啓靈址瘞在三上庚墮遇七中巳六千三百浹辰交二九重三四百圮當時莫能辨昉因戒諸子世世求訪通人有知之者必告我地下因寫以授欽說行三十里而悟乃葬者預識歲月及墓圮日辰其言旬服五百里黃鍾十一月孫大同四年上推漢建武四年凡五百一十一年葬以三月十日庚寅三上庚也圮以七

月十二日巳巳七中巳也。泱辰十二也。建武四年三月至大同四年七月六千三百一十二月月一交。故曰六千三百泱辰交。二九十八也。重三六也。建武四年三月十日距大同四年七月十二日十八萬六千四百日。故曰二九重三四百圯。升之驚服其敏智類此。後爲韋堅判官位殿中侍御史李林甫惡之。貶夜郎尉卒。子克鈞爲都官郎中。靈夏二州運糧使吐蕃圍靈州軍餉匱竭。德宗令轉米峙塞下守者遂安。

于休烈河南人。宰相志寧玄孫。父默成沛縣令。早卒。休烈至性貞慤。機鑒融敏。善文章。與會稽賀朝萬齊融延陵包融齊名。登進士制策二科。歷秘書正字。吐蕃金城公主請文集四種。玄宗詔秘書寫賜休烈。疏諫吐蕃寇讐。經籍國典。昔東平求史記諸子。明帝不與之。豈非以多兵謀雜詭術乎。若反貽以經典。何異

假寇兵資盜糧也矧公主下嫁常用舊禮復求良書恐非本意
殆有姦人勸導其中若陛下慮失其情示不得已請去春秋其
書當周德既衰諸侯強盛以臣名君專競征伐情僞是生變詐
是起無足所求以資詐術疏入詔宰相議裴光庭曰吐蕃不識
禮經孤背國恩今求哀稽顙許其降附正宜漸以詩書陶以聲
教休烈但見情僞變詐於是乎生不知忠孝禮義亦於是乎在
帝曰善遂與之累遷起居郎直集賢殿學士比部員外郎中以
不附楊國忠出爲中部太守肅宗立奔行在擢給事中太常少
卿知禮儀事兼修國史著五代論討述舊章上嘉之時兵興後
國史實錄起居注焚燬皆盡請下御史行諸府州縣購求送官
凡一書進一資一卷絹十匹數月止獲一二惟韋述以其家藏
國史百三十卷上獻文物多有未完俄轉工部侍郎宰相李揆

族之奏爲國子祭酒仍修史乾元初復命將太常鐘磬集樂工
考試審定差錯上親閱視別令鑄造磨刻上臨軒考擊皆合五
音羣臣稱賀又奏罷元日冬至命婦朝皇后於光順門與百官
雜處在禮不經詔停之代宗嗣位拜右散騎常侍加禮儀使甄
別名品號稱清諒遷太常卿進工部尚書封東海郡公加金紫
光祿大夫在朝三十餘年歷掌清要不治產業性恭儉仁恕無
喜愠之容樂賢下士推轂甚衆年老篤意經籍嗜學不厭以至
於終年八十一帝爲嘆息贈尚書左僕射謚曰元遺謁者就第
宣慰爲儒者榮二子益肅相繼爲翰林學士益天寶初及第肅
終給事中贈吏部侍郎肅子敖字蹈中擢進士授校書郎歷
揚憑李鄴呂元膺幕府元和初拜監察御史轉殿中歷倉部司
勳二員外萬年令右司郎中出爲商中刺史長慶四年入爲吏

部郎進給事中本以家世修謹川文學進爲時所稱晚附李逢吉逐學士龐嚴蔣防以爲貶之太輕衆爲嗤譏聲名益減逢吉獨喜遷累工戶刑三部侍郎宜狄觀察使卒贈禮部尚書四子球珪瓌琮皆清顯

韋陟字殷卿安石子神龍二年甫十歲秀敏異常授朝散大夫溫王府東閣祭酒風格方整善文辭書有楷法一時名士皆與之游開元中父喪久乃調洛陽令宋璟嘆其盛德遺範不減其舊累除吏部郎中張九齡引爲中書舍人遷禮部侍郎長於鑒裁故事試人惟取一日之長定爲高下至陟許自迴先試其能已乃程考舉無遺材轉吏部選人多僞集與正調相且陟持風采槩辨無不伏者黜正數百員號爲公平然任法嚴或至詈詰議者訾其峻自負門第居常簡貴傲視僚案李林甫忌之由爲

襄陽太守徙河南採訪使倚任判官貞錫善訊覆文使韋元甫
工書奏時號貞推韋狀俄襲父爵坐事貶守鍾離義陽歷河東
太守以失職內望頗餉權倖與相結納復爲楊國忠所忌諷拾
遺吳豸之劾陟饋遺事誘切瑯韋元志證之陟惶悸賂吉溫求
救貶桂嶺尉不行徙平樂歲餘不出肅宗起爲吳郡太守江東
節度使委招諭永王表其徙季廣琛爲歷陽太守與高適來瑱
會安州齊盟質信協力勸王至鳳翔除御史大夫欲用爲相以
爭王去榮獄并按杜甫論房琯奏雖往不失諫體由是見疏拜
吏部尚書久之坐不禁宗人伐墓相貶綿州刺史還授太常卿
呂諲薦爲禮部尚書史思明陷洛令守東都引避不許就保永
樂以圖收復鬱鬱不得志卒年六十五贈荊州大都督爲人性
侈縱喜飾服馬侍兒閹童侔於王宮主第寔治饌遊以鳥羽擇

米每食不減萬錢。預人宴。雖極水陸。曾不下筯。使侍妾主膳。記
皆有楷法。裁荅受意。惟書陟名。自謂若五朶雲。人亦慕之。號五
雲體。然家法修整。教子允就學。夜分課其勤惰。稍怠。召立堂下。
不與語。應對賓客。必使主之。過道。義相知。靡間貴賤。恒虛席倒
屣。時以此稱永泰。初。贈左僕射。謚忠孝。弟斌。少修整。好文藝。
容止嚴峭。性質厚。有大臣體。與兄齊名。妻薛王女。初授太子通
事舍人。遷秘書丞。國子司業。天寶中。爲中書舍人。兼集賢院學
士。未幾。拜禮部侍郎。改太常少卿。坐宗人韋堅累貶巴陵太守。
移臨汝。久之。拜銀青光祿大夫。時陟守河東。從兄由爲金吾將
軍。緡爲太子少師。四第同時列戟衣冠。罕比。俄陷祿山。逼爲黃
門侍郎。憂憤而卒。乾元初。贈秘書監。陟子况。素志冲遠。雖世
貴。不爲聲利所遷。少隱王屋山。孔述府稱之。薦爲右拾遺。不拜。

未幾召爲起居郎半歲輒棄去徙家龍門除司封員外郎稱疾固辭元和初授諫議大夫勉論到職數月乞骸以太子左庶子致仕卒當時重其風操

韋元甫少修謹敏於學行初任滑州白馬尉爲政有器局以吏術知名累遷蘇州刺史浙西都團練觀察使杜鴻漸薦徵尚書左丞歷揚州長史淮南節度兼御史中丞在鎮三年政尚不擾以疾卒于位

蕭昕字中明梁郾陽王恢七世孫世居河南少補廣文進士再中博學宏辭歷陽武簿壽安尉遷右補闕憲部員外郎哥舒翰辟爲掌書記翰敗問道走蜀進司門郎中遣奉肅宗冊寶見于行在歷中書舍人禮部侍郎薦布衣張鎰來瑱後至將相代宗狩陝出由武關見于行在擢國子祭酒請崇太學以樹教本詔

羣臣及神策六軍子弟聽補生員大曆中持節往吊回紇頗恃其功廷議以中國方亂非我無以平奈何市馬不時歸直衆咸失色昕徐對曰自戡禍亂國家賞功雖絲髮不遺僕固懷恩我之叛臣爾與迪禍又引吐蕃暴我郊甸天舍其乘或敗或悔咸不旋踵非天子念功則隻馬不得出塞果孰爲失信者回紇大慙因厚禮昕遣使者約和而還轉工部尚書封晉陵郡侯朱泚亂昕年八十餘步走出城賊求之急獨窟山谷間旬得達奉天遷太子少傅轉爲郡公兼禮部尚書復知貢舉擢杜黃裳高郢裴垍不數年相繼輔政仍以太子少師致仕卒年九十三贈揚州大都督謚曰懿

嚴郢字叔敖華陰人父正誨爲吏有才更歷七郡終江南西道採訪使郢及第補協律郎守東都太廟祿山亂取神主秘藏于

家至德初定洛陽賴以奉還擢大理司直表江陵呂誼節度判
官遣入朝奏辨潭州刺史龐承鼎按治方士申泰芝妖幻詭衆
姦賊鉅萬帝方惑之怒殺承鼎流鄆建州代宗立泰芝坐誅始
還承鼎官名鄆爲監察御史署郭子儀帥府行軍司馬復表爲
判官檄主鄆州留務會河中士卒不樂戍鄆多逃還鄆誅其渠
首衆方定歲餘元載李栖筠相繼薦拜河南尹充水陸轉運使
大曆末進尹京兆持法嚴明疾惡撫窮敢於誅殺盜賊衰減號
爲稱職奏宰相楊炎發關輔民鑿陵陽渠擾而無利獲不酬費
又請屯田豐州自太原轉糧以哺資費倍之是虛緩何事空徭
也請以鑿渠糧俾諸城貸輸取所開土地布帛給田者令據直
轉穀則關輔免調發而屯田自關炎不許渠卒不成御史臺請
天下斷獄一切待報惟殺人償死餘悉徙還鄆言殺人外猶有

十惡今一例徙之法太輕且流有三若雜犯等悉與同徒又反
太重况論者至廣例不覆讞若悉待報正恐按牒與委章程紊
撓其遄及近邇若何爲差請下有司更議炎惡異已諷御史張
著劾郢繫金吾獄長安人口數千遮建福門訟冤帝微知之左
授御史中丞人知郢得原皆迎拜是歲秋旱炎職以蠲租不實
罷爲大理卿盧杞復引爲御史大夫共謀逐炎下趙惠伯獄鍛
成其罪天下以爲不直杞復忌郢才因按蔡廷玉事出爲貴州
刺史道逢惠伯之殯內慙悸歲餘卒

李李卿宰相適之子少工文詞舉明經宏詞二科調鄆縣尉肅
宗遷中書舍人坐事貶通州別駕代宗徵爲京兆少尹持節江
南黜陟使入拜吏部侍郎在銓衡數年以進賢爲務俄兼御史
大夫宣尉河南江淮振拔幽滯進用忠廉甚得時譽大曆中終

右散騎常侍贈禮部尚書爲人有度量精識博達善與人交襟懷豁如士以此多之子融立性嚴整善吏事貞元中歷官渭州節度使卒

劉迺字永夷洺州廣平人高祖武幹武德初拜侍中父如璠朔山丞迺少聰穎志學日記數千言及長文章清雅爲時推重登天寶進士父憂居喪以孝聞終制從調選曹致書於知銓舍人宋昱曰書稱知人則哲官人則惠今文部始之以掄材終之以授位是知人官人兩任其責在昔禹稷臯陶之聖猶曰載采有九德考績以九載近代獨委少冢宰察言於一幅之判觀行於一揖之內何其易哉夫判者以狹詞短韻爲體是以小治鼓衆金雖欲爲鼎鑪不可得已故雖有周公尼父圖書易象之訓以判責之曾不及徐庾雖有至德以喋喋取之曾不若喬夫故干

霄蔽日。巨樹也。求尺寸之材。必後於椽桷。龍吟虎嘯。希聲也。尚
頰舌之感。必下於蛙黾。觀察之際。豈不悲夫。執事誠能先政事。
次文學。退觀其治家。進察其臨節。則厯鴻深沈之學。亦可窺其
門閥矣。皇嘉之補剡尉劉晏。在江西奏使巡覆。充留後大曆中。
召拜司門員外郎。德宗初。進郭子儀爲尚父。時冊禮廢。視詔文
者。不適所宜。宰相崔祐甫召廼至。閣草之。少選成。文詞義典。裁
俄擢給事中。權知兵部侍郎。楊炎盧杞當國。五歲不遷。建中四
年。真拜兵部侍郎。帝狩奉天。廼卧疾私第。朱泚遣人召之。固稱
疾。篤。復遣僞相蔣鎮。慰誘。廼佯瘖不荅。炎無完府。鎮再至。知不
可脅。乃太息曰。我嘗忝曹郎。不能死。寧以自辱。羶腥復欲汙賢
哲乎。遂止。廼聞車駕如梁州。自投於牀。搏膺呼天。不食。卒。年六
十。帝聞其忠。贈禮部尚書。謚曰貞惠。子伯芻。字素芝。行修謹。

淮南杜佑奏署節度府判官府罷名拜右補闕遷主客員外郎數過友家飲噉爲韋執誼陰劾貶虔州參軍久乃除考功員外郎裴珀待之善擢累給事中李吉甫當國而珀卒不加贈伯芻爲申理乃贈太子少傅或言其妻珀從母也吉甫欲按之求補號州刺史稍遷刑部侍郎左散騎常侍卒贈工部尚書伯芻風度高嚴善談謔而動與時適論者少之孫寬夫寶曆中爲監察御史奏言以王府官攝祠位輕非嚴恭意請以尚書省東官三品若左右丞侍郎通攝俄轉左補闕陳祐注浮屠誓因供奉僧以聞除濠州刺史寬夫劾狀敬宗怒謂宰相曰祐不由僧得州諫臣安受此言寬夫曰衆劾祐獨敬臣草狀今論事不當臣合當罪若尋究推排恐傷事體帝嘉其引過欣然釋之弟端夫亦爲太常博士以駁韋綬謚議知名曾孫允章字蘊中登進

士累官至翰林學士承旨禮部侍郎咸通九年知貢舉請諸進士並謁先師衣青衿介幘以還古制改國子祭酒建言羣臣輪俸錢修學宰相五萬節度四萬刺史萬詔皆可出爲鄂州觀察使檢校工部尚書遷東都留守受黃巢僞官遣取尚書省印李璣不與更愧悔移檄討賊坐是廢于家以疾卒

暢瑊河東人與子當皆登進士安祿山奏瑊河北海運判官授大理評事郭子儀復辟副元帥從事肅宗卽位召見悅之拜諫議大夫累轉吏部侍郎至敬騎常侍廣德二年爲河中尹兼御史大夫尋待制集賢院大曆五年兼判太常卿遷戶部尚書卒贈太子太師生平性廓落有口才好談王霸之略居職責成屬吏覲覲無過而已 當貞元初爲太常博士終果州刺史昭德皇后崩中外公除詔與博士張薦柳冕李吉甫議皇太子服言

古無明文晉元皇后崩杜預議皇太子與國爲體晉魏以來天子三年喪既葬除服若不變除則東宮臣僕亦以衰麻出入殿省當時遂以卒哭除服本朝文德皇后崩國史不書太子喪服之節至明年正月以晉王爲并州都督既命官當已除矣今請如魏晉制既葬而虞虞而卒哭卒哭而除心喪三年宰相劉滋齊映名問子食於有喪者之側未嘗飽今太子當視膳衰服至葬可乎乃請如宋齊皇后服三十日除入謁則服墨慘還宮衰麻右補闕穆質上疏太子人臣不得如人君之制母喪宜無厭降議者詭辭以甘時主不足師法如今議虧化敗俗常情所鬱夫政以德爲本德以孝爲大後世記禮之失自今而始顧不重哉父在爲母替古禮也本朝定爲三年則又太重惟行古禮爲得德宗遣內常侍馬欽叙謂質曰太子有撫軍監國問安侍膳

之事今如有司制更何疑耶質又奏跪太子於陛下子道也臣道也君臣以義則撫軍監國父子權奪問安視膳固無服衰之嫌若詔王以下服皆三年太子不宜甚異且墨衰奪情事緣金革旣不監國撫軍何抑奪耶子之於父母禮異而情均今奉君父之日遠而報母之日少忍使失令名哉乃詔與宰相更議言太子喪服入侍恐傷至尊之意非特以金革奪也太常卿鄭叔則草奏旣葬卒哭十一月小祥十三月大祥十五月禫內謁卽墨服至朝則抑哀承慈實臣子至行請下明詔如叔則議從之及董晉代叔則帝曰皇太子服非由諫官初非朕意暢當等請循魏晉故事至論也

歸崇敬字正禮吳人曾祖與祖樂父待聘皆贈官崇敬少治禮學多識容典遭父喪孝聞鄉里擢明經調國子直講天寶中舉

博通墳典科對策第一遷四門博士轉左拾遺肅宗次靈武遷起居郎右贊善大夫史館修撰兼集賢校理修國史儀注外除同州長史潤州別駕代宗立起構建二陵召還改主客員外膳部郎中復兼修撰嘗參議國家大典禮建言百官朝服皆用袴襪三代及漢舉無其制自隋以來始有服者事不稽古宜詔停止東都太廟本武后所建以祀諸武中宗去主存廟以備行幸不當更置本主太昊五帝時分古今無君臣義若一槩稱臣與祀天無別春秋釋奠孔子皇帝北面揖太重宜准武王受丹書於師尚父行東面之禮方士巨彭祖言唐家土德請以四季月郊祀天地按禮先立秋十八日迎黃靈祀黃帝黃帝於五行爲土而火爲母故祭于火用事之日三季月則否國朝因之每歲以六月土旺之日祀黃帝於南郊以后土配所行合禮若彭祖

牽緯侯說事詭不經不可用事皆施行大曆初兼御史中丞賜
紫魚袋充新羅帛祭并冊立使往還囊橐惟竹衾衣束陞傳其
清德還授國子司業兼集賢學士預修通志獨知禮儀衆稱允
當遣祀衡山未至而哥舒晃亂憚者請望祀竟以君命親往成
禮而還俄坐胥吏虛給廩錢貶饒州司馬德宗立召還復拜司
業遷翰林學士左散騎常侍充皇太子侍讀又兼晉王元帥叅
謀累加光祿大夫封餘姚郡公田悅李納稟命持節宣慰稱古
表歸上冢寵賜緡帛儒門榮之遷檢校戶工二部尚書仍內職
告老換兵部尚書致仕卒年八十八贈左僕射謚曰宣子登
字冲之爲人雅實弘厚善事繼母大曆中舉孝廉高等補四門
助教轉美原尉貞元初登制科拜右拾遺會陽城疏裴延齡奸
惡德宗震怒莫測右補闕熊執易復以疏示登動容語曰雷霆

之下君獨難處。願竄吾名。自是凡同列諫疏輒聯署無所迴避。時論歸重。轉右補闕。起居舍人。三任十五年。後進者多顯。惟退然自守。務遠權勢。不以淹速介意。後遷兵部員外郎。與父同充順宗東宮侍讀。尋加史館修撰。卽位。超拜給事中。賜金紫衫笏。遷工部侍郎。兼太子諸王侍讀。獻龍樓箴。以諷。久之。改左散騎常侍。憲宗召問政所宜先。登知帝庠。而果于斷。勸順納諫。諍。內外傳爲謠言。轉兵部侍郎。兼判國子祭酒事。進工部尚書。封長洲縣男。卒。年六十七。贈太子少師。謚曰憲生。平有文學。工草隸。寬博容物。晚年徇俗。頗好服餌。常慕陸象先爲人世。亦許其類之。孫融字章之。元和中及第。累遷監察御史左拾遺。工部員外考功郎中。事文宗爲翰林學士。上以融家學。每遇疑義。字音多相問難。悉以義類言之。俄轉中書舍人。進戶部侍郎。開成初。

拜御史中丞劾奏湖南觀察使盧用仁陳小利假端公違詔
書徇私希恩獻羨錢十萬恐海內效之因緣漁刻生人受敝請
重責還所進代貧民租入有詔令致河陰院以歲水旱時金部
員外郎韓益子弟受賕事露帝問與戶部盧元中左司姚康受
平糴官秦季元絹貨乾沒錢二事孰重融對元中等枉失庫錢
與益所坐事異法輕益得近貶梧州參軍尋遷融京兆尹與李
固言不悅徙秘書監楊嗣復又薦權知兵部真拜吏部侍郎歲
間檢校禮部尚書充山南西道節度使徙東川還歷兵部尚書
封晉陵郡公會昌後儒臣少朝廷禮典多本融議辭疾以太子
少傅分司東都卒贈左僕射五子仁晦仁翰仁憲仁名仁澤皆
登進士咸通中並至顯達

令狐岵德芬五世孫博學有口辨及第過祿山亂隱南山豹林

谷楊綰徵時數從之游後遷華原尉綰薦拜右拾遺兼史職遷起居舍人撰玄宗實錄屬起居注亡散名臣事多漏略嘔哀援詔策及諸家文集以備其遺大曆中改刑部員外郎劉晏引判吏部南曹嘔心德晏每分闕以善者送尚書晏惡者送侍郎炎嘗心不平俄遷司封郎中知制誥兼史館修撰德宗詔元陵制度務極優厚當竭帑藏奉用度嘔諫曰古者聖賢勤儉不作無益故舜葬蒼梧弗變其肆禹葬會稽不改其列周武葬畢陌無丘隴漢文霸陵不起墳塋禹非不忠啓非不順周公非不悌景帝非不孝其奉君親皆以爲無窮之計宋文公厚葬春秋書華元不臣桓魋爲石棺夫子譏其不如速朽由是觀之有德者葬薄無德者葬厚章章可見陛下仁孝切於聖心然尊親之義貴合於禮先帝遺詔送終之制一用儉約不得以金銀緣飾陛下

奉先志無違物若務優厚是弗顧命及經義臣竊懼之詔荅曰
引據典禮使朕不遺君親于忠雖古遺直何以加焉建中初陞
禮部侍郎炎出故相杜漸鴻門下托其子封求爲弘文生恒給
奏宰相恃威迫臣以私帝以詰炎具道其情帝怒貶爲衡州別
駕俄遷刺史李泌執政召拜太子右庶子復爲修撰以性介復
又爲寶參所惡再貶吉州別駕稍遷刺史齊映觀察江西按部
之日怪不戎服擣舉過失三貶衢州別駕滯衢十年順宗立以
秘書少監召未至卒初受詔撰代宗實錄未就會貶詔聽在外
成書元和中其子太僕丞不獻之錄功贈工部尚書